

罪
惟
錄

六十

五

十

七

八

罪惟錄列傳卷之三十六

外國列傳總論

勝國外凡諸彛真以不治之之先之詔諭問有聞

者不問即安南篡殺相仍日本詐譎不道不過

去中書絕之祖訓有曰東南諸夷限隔山水後

世不煩動衆乃再傳而輒違祖訓鄭和之遣既已勤遠又

復縱內侍專征有二失焉交南之役摧殘已甚既而坐棄

之遂使後世有狹小前人之恨則不如初之忘之益以成

其大也且奴兒干都司之設亦自成祖我不有彼之不知

而後彼之忤必問也問我而

禍之倚福恩之為仇。則明之再傳已兆二百十年之
後。豈人能為之哉。果如祖訓。雖非東南亦專主守。不輕動
衆。脩文德一語。以教百世有餘矣。我曰通真。不如通商。故
事雖有言。務以市任彼貿易。計之可以長便。夫利之所
在。人必爭之。我操之制以額之。必長必計。乃傳百出。蓋商
務而為致情勢然也。但須監督得其人。可以無

外國列傳

朝鮮國

朝鮮周箕子所封國也其國南濱海北隣女直西北至鴨

綠江東西二千二百里南北四千里分八道曰京畿曰忠

清曰慶尚曰全羅曰黃海曰江原曰平安曰咸境設官舉

士畧倣中國俗柔謹知文字崇釋尚鬼惡殺戴折風巾服

大袖衫以蹲踞為恭飲食用俎豆官吏嫻威儀常有女戲

作蠻聲宴朝使居皆茅茨衣多麻苧以田制俸以秬醞酒

高堂未婚者多處習射歲以季秋享法

無苛條其敗常犯賊及再嫁書名三司子孫不齒人首無

枕骨背扁側產白碯紙狼尾筆果下馬長尾鷄貂納初箕
子胥餘既陳洪範避地于此從之者五千人周因封之後
燕自立為王朝鮮侯亦自王以兵遂擊燕秦為遼東外徼
漢初為燕人衛滿所據滿攻王準亡入韓滿遂自王朝
鮮蓋箕子傳世四十餘乃失國武帝取為真番臨屯樂浪
玄菟四郡漢末為公孫氏所據魏滅公孫晉并于高句麗
高句麗本扶餘別種王高連居平壤即樂浪已而東徙鴨綠
江東南十餘里隋封其六世孫為王煬帝征之不克唐嘗
州縣其地置安東都護府後唐王建代高氏并有新羅百
濟又徙東松岳以平壤為西京子孫遣使朝貢宋時或奉

契丹獻黃帝鍼經。請鬻歷代史及冊府元龜等書。禮部尚書蘇軾疏却之。元太祖時既平契丹。使上之高麗索國贖王。瞰猷國贖使者返。被賊鴨綠江。于是疑絕不通。元者六載。元太宗時使撒礼塔往征之。王力竭請和。元置京府縣以達魯花赤七十二人監之。會班師。瞰乃盡殺元所置達魯花赤。于是高麗苦元兵無寧歲。至于棄松京。避都江華。元虜高麗男女亡慮二十餘萬。殺戮不可勝計。卒盡壞江華內外城。憲宗崩。世祖方南攻宋。世子傒來與俱。至開平而瞰卒。乃命傒歸為王。洪武三年。王顯表賀即位。遣符宝郎懈斯報賜。封顯為高麗國王。二年。王言有姪女。遭陷軍。

中帝使中官訪得護送還國。賜書諭以持危保國之道。奉
佛求福之非。并賜四書六經通鑑漢書五年。安置歸德侯
陳理。歸義侯明昇于高麗。王顥請遣子弟入太學。表稱耽
羅國多留蒙古人。恐為亂。宜詰治。不許。六年貢馬。道亡其
二。以上東宮者足之上。以人臣私交。非春秋之義。其上東
宮者。却勿受。賜璽書。自後毋以浮詐人為使。許貢士赴京
師會試。賜金濟第。尋以不通華言送歸。八年諭安南高麗
占城。每三年一朝貢。上物產布十疋足矣。其王左則世見
十六年來貢。以違命却之。明年諭守臣絕高麗。十八年王
顥為權相。李仁人所弑。顥無子。上其寵臣辛肫之子禍于

是仁人立禍、明年告哀、貢使義道殺朝使斌、執主事寔週王恐、誅義籍其家、表告罪上、以其賊朝使、詢王顥所以死狀、且諭中書省、責貢金百斤、銀萬兩、馬百疋、細布乙萬疋、所留遼東邊民悉送境上、乃見王之嗣位信而政令行也。仁人惧、明年如數以貢、不敢稱嗣王、曰高麗國王世子禍而詭云嬖臣洪倫弑顥、仁人誅倫立禍也、已乃謚顥恭愍、封禍為高麗國王、十九年、請易冠服、不許、二十二年、李仁人劫囚禍而立禍子昌為王、遣使張伯崔泊朝貢、是年仁人子成桂復廢昌而立王瑤主國事、遣使朝貢、又令其子奭入朝、詔位尚書下尋使上市高麗馬萬匹、索闕人二百

二十五年成桂囚瑤及與於其私第自稱國王是年知密
直司事趙胖等以其國都評議司奏至奏言恭愍王薨無
嗣他人子禍得立昏暴好殺謀侵遼東大將李成桂力阻
乃已自知負罪遜位子昌國人弗順更立定昌國院君王
瑤上復與禍党玄禹宝等潛謀復禍謀害成桂國人奉恭
愍王妃安氏之命退瑤私第念宗親無可嗣者僉以門下
侍郎成桂可主國事謹以聞上令禮部移諭聽其自為聲
教事四隱不問成桂更名旦徙居漢城使上請更國號詔
號朝鮮自王建開國歷四百三十餘年而絕旦復遣使請
印詔上覽表惟旦不遜使者言表係鄭集

一云鄭總

所撰上盡

却方物、索集旦、惧送集至京、安真雲南、朝鮮國書載旦、驍
勇善騎射、自恭愍時、已為金吾衛上將軍、東北南上萬戶、
威力侔其主矣、故易祚而國人聽亡何、遼東都指揮、諜朝
鮮招引女直五百餘人、潛渡鴨綠江、欲入寇、上遣使勅責
之、旦惧陳謝、尋亦遣子入貢、而高皇帝終以旦為弒君之
臣、著祖訓、絕之、建文初、旦老、請以子芳遠襲已、而旦卒、賜
謚康獻、永樂元年、賜芳遠金印、誥命、冕服九章、圭玉佩玉、
妃珠翠七、冠霞帔、金墜、給象牙犀角、及中國書籍、東南桑
中藥物、二年、上欲廣屯田于遼東、徵牛、朝鮮王進牛萬頭、
每頭酬絹一疋、六年、世子禋來朝、及歸、上製詩送之、是時

朝鮮納女後宮得為妃嬪者四人十七年芳遠老請以子
洵襲芳遠卒賜謚恭定宣德初賜洵五經四書性理大全
通鑑綱目五年洵獻海東青諭以非所好勿獻

州夷詐

諭洵尋欲遣子弟入學不許

與較會瓦剌密令女直諸部誘脅朝鮮王洵拒之白其事
詔獎答十年倭寇朝鮮來獻俘景泰元年洵卒子珣嗣珣
卒賜謚恭順子弘暉幼其叔瑒以襲位請七年封瑒為王
天順初王瑒擅與女直毛憐衛仇殺廷議遣使責問以礼
科張寧都督同知武忠往方閱兵忠取兩弓並張之皆折

仰射鴈應弦落。國人大惛服。尋遣子入學。引咎解兵。既而納建州酋董山叛。授山中憲大夫。中樞密使上兩詰之。皆不承。卒得其所授。偽制書示之。王琰驚謝。成化四年。用兵建州。王遣其中樞府知事康純統兵萬餘合攻兀彌府。諸寨斬建州李滿住及其子古納哈等。五年。琰卒。賜謚惠莊。子晄嗣。六年。晄卒。賜謚哀悼。晄子病廢。其兄子婁嗣。屢出卒。賜謚康靖。正德元年。子懽立。懽病風。無子。遜其弟懽嘉靖中。懽卒。賜謚恭僖。子皓立。未踰年卒。賜謚榮靖。弟烜立。二十五年。命朝鮮貢楮代席。二十六年。許其使臣觀郊壇。遊國子監。設鼓伴以寵之。王請更會典。

所載宗系自言其國祖李旦係出本國全州二十八世祖
 翰仕新羅為司空新羅亡六代孫競休入高麗十三代孫
 安社仕元為南京千戶所達魯花赤世其官元季兵興安
 社曾孫子春率成桂避地未還至正辛丑當恭愍之十年
 有紅巾賊入境成桂擊却之授武班職事成桂寔非仁人
 子仁人者京山府吏長庚之裔也願洗祖訓所載弑逆之
 繆詔許之三十八年倭犯朝鮮盡殪之獻捷岷卒賜謚恭
 憲從子肅嗣萬曆二十年倭酋行長清正等分道縱兵
 陷豐德諸郡肅倉皇走茂州願內屬詔遣兵部侍郎宗應
 昌等濟師復王京當是時八道幾失恃內援前後師臣力

恥得返國。時太子久不立。恥迎上意。自稱次子。光海君慧

論曰。檀君者。相傳堯戊辰歲降神太伯山。樹檀下。國人
君之。至今與箕子並祀平壤。箕子傳四十一世。至準失
國。準入韓地金馬郡。自立號韓王。前後共祚乙千二百
二十餘年。南面最久。古無其比。其後衛公孫高王李。則五
易其姓。云其科舉取士。與中國同。定子午卯酉年。初場

試經義論、二場表詰、三場賦策、嘉靖中、使臣任庸臣、係
刑曹僉判、為言士午以後、狀元姜崇德、沈光彥、鄭希顏、
金忠烈、金希聖、尹鉉、金允鼎、盧守慎、閔時中、僉授亦與
中國相近、大率無鄉試、止有會試云、

日本國

日本古倭奴國、綰波諸島、倭奴最大、東高西下、勢若蜻蛉、古亦曰蜻蛉國也、國主世以王為姓、群臣亦世官、地分五畿、七道、三島、又有附庸國百餘、拘邪韓最大、其俗男子魁頭、斷髮、黥面、文身、婦人被髮、屈玠、皆跣足、間用屨、倭王最雄長者、居邪馬臺、即邪摩維、歷漢、魏、晉、宋、隋、皆朝貢、稍習華音、唐咸亨初、悉倭名、更號日本、薩摩之鷄哥里、其民倍禮、重為邪、獨伊紀之頭陀僧、三十八百房、頗羯、獲嗜殺而薩摩肥後、長門、三州之人、最喜入寇、諸州郡統于山口、豐後、出雲、三軍門、三軍門相捕剽、國分為三、而摠屬山城君